



60

EXTREMI HONORES,
HEROI in Toga penitus INCOMPARAB.
CAROLO,
L.B. de FRISEN,
Röthav. Cottæ, Geschvvi-
tzii & Rubenæ DYNAST.
SERENISS. SAX. ELECT.
A Consiliis Sanctior. Proto-Syn. Eccles.
Nec non Supr. Lips. Curiaë
PRÆSIDI ILLUSTRISS.
ACADEMIÆ WITTEBERGENSIS
Nomine ac Autoritate
Decenter persoluti, Die
CAROLO MAGNO IMPER.
Aliàs Emortuali atq; Sacro,
Religiosè consecrati, Anno c^o Isc XXXVII.
à
GEORGIO CASP. KIRCHMAJERO.



WITTENBERGÆ,
Prelo excudebat MATTHÆUS HENCKELIUS, Acad. Typogr.

EXTEREMI HONORES

factos in Toga pennis incomparab.

CAROLO

L.B. de FRISSEN

Röthau. Cort. Gellhau.

cxii & Rubensc Dynast.

SERENISS. SAX. ELECT.

A Consilio sanction. Froto. Syr. Beckl.

Nec non sup. Lips. Curie

PRÆSIDI ILLUSTRISS.

ACADEMIÆ WITTEBERGENS.

Thomae ac Antoniae

Doctores velles, Dis.

CAROLO MAGNO IMPER.

Alis honorabil. sup. sacro.

In hoc consensu, Anno 1607. XVII.

GEORGIO CASP. KIRCHMANNERO



Printed in the University of Wittemberg, 1607.

MAUSOLEUM. FRISIANUM.

SYMBOLIS. HEROICIS. INSIGNE.

PHOEBO. JUBENTE. AC. LUGENTE

MOLIRI. DEBUI.

PARNASSUS.

FASTIGIO. PYRAMIDIS. TUBICINA.

INSIDENTE. FAMA.

ADDERE. EMBLEMATA. INSOLITIS.

VOLEBAT. PROPRIA.

APELLES. DEFUIT. DEBUI. LYSIPPUS.

VENTUM. AD. PYRGOTELEN.

LITERARIUM. ATLANTEM.

CAROLUM. BAR. FRISIUM.

ECQUIS. PRO. MERITIS. LAUDAVERIT.

MOERENTIBUS. INPRIMIS.

AULA. ARIS. ACADEMIIS. CURIIS.

EXEDRIS.

NULLIS. ETENIM. SEPULCRUM.

EJUS. INDEFLETUM.

Nos etiam ad Salices suspendimus organa nostra:

Dum cadit alta Fagus, Chaoniumque nemus,

Populus in fluviis, Abies in montibus altis

Plorat in immensum: *Libana Cedrus abest!*

Eminet ut Cedrus, Palmarum cincta coronâ;

Sic inter Proceres gloria FRISIACA.

GENUS atque STIRPS

Si ex condigno debeat laudari,

In multa retrò secula eundum,

Migrandæq; leges forent solitæ

ELOGII SEPULCRALIS.

A

De-

Detur tamen, TACITO * loquente,
Illustrium Virorum hoc Posteritati, ut, quomodo
Exequiis à promiscua sepultura separantur,
Ita in traditione supremor. accipiant habeantq;
PROPRIAM MEMORIAM.

Multos, ante ævum, à Servatore nato, tertium ac X.
Ex Helvetiæ RAURACIS, Rheni accolis,
** Quantumvis Nobiles, inglorios obruit oblivio;
In Variscorum Mysorumq;ve oras

FRISII qui commigrârunt postea,
HENRICUS maximè superstitat ad famam;
MARCHIONI BRANDENBURG. JOHANNI
Carus habitus ac rarus;

Qui ANNO M.CC.LXXII. ad
FRIDERIC. FORT. MARCHION. MISNIÆ

Eqvestria traduxit Decora,
Virtutum tot Miracula, quot Majores.

Natus est Rôthaviæ, in Arce gentilitia

CAROLUS, ANN. cl. l. c. XIX. III. Eid. Mai.
Patre HENRICO, LIB. BAR. Heroë Per-illustri,
SAX. ELECT. in Consilio sanctiori Senatore,
Cancellorumq; & in Summ. Senatu provocat. Præside;
Avum coluit supremum *Aulæ Altenburgic.* Magistrum,

Quem in commune *Mareschallum* nominant,
CAROLUM, Rôthaviæ Cauræq;ve Dominum.

Sile mendax Græcia!

Quæ tot confinxisti Numina, quot nomina,
Herculis Ophiuchi, Thesei, Orionis, Persei, Erichthonii,
Ex non rectè intellectâ immortalitate animarum;
Cœlo Zelo intulisti stolido.

In FRIS. Proav. ad Tritavos & ampliùs invenies
HENRICOS, CAROLOS, STEPHANOS, Paterno,
EINSIDELIOS, ENDIOS, BUNAVIOS, HAUBITZIOS,
Materno sanguine prognatos:
Sed quis singulos enumeraret?

GE-

* Tacit. Annal. XVI. 16. 2. ** Idem in Agric. extremo

Nisi coelitus concessum FRISIUM.
MAGNIFICA consideremus GESTA.
Tanta & feliciter suscepit, & velociter absolvit,
Ut gestorum numerus vel fidei obstare videatur.
Aulæ, Religionis, Justitiæ, ac Camera negotiis
Consilio, providentiâ, vi eloqvendi, & labore inexhausto
Præfuit & profuit, in tantum, ut
Promeretur Sapientis PRINCIPIS applausum,
Dum Heroico affectu admiratus CAROLUM,
Et de eo Sibi pariter ac suis gratulatus est.
Herculeum nimirum, id est, conclamatum opus,
Libertatem in Ecclesiasticis Civilibusq̃;
Numine omninò fretus, restitutam,
Orator ad momenta Pacis *Osnabrugam* missus
Palatinatui Superiori comparabat.

Intercolumnaribus ornemus spacia hæc peristyliis:

* Arbor uti mediis, avibus gratissima, campis,
Cujus apex summi contingit sidera Cœli,
Et radix de fonte bibit, sacrisq̃ve fluentis
Expandit satiata comas, & nubila supra est:
FRISIUS ex æquo Quercus sublimis in agro
Dona Ducum gestat, sacrataq̃; munera promit.

Nō hyemes illam terrent, non flabra, nec imbres
Dejicient; immota manet, ridetq̃; ruinas,
Servati Civis referens insignia, Quercus.

Non igitur angustiis amplius includi potuit limitibus,
Virtus FRISIA; candidior fulgebat,
Velut Carbasus Amiantina inter flammæ.

SAXO Potentissimus ELECTOR primùm Camerae,
Principatûs Hennebergici mox gubernaculo Vicarium,
Pōst deinde intimo Senatui inauguravit Virum,
Et gravissimis Imperii negotiis adhibuit;
Transactis Saxonie Augustæ ac Ducalis,
Imperatorie Electioni celebratæ Francof.

B

Su-

* Corippus in laudib. Anastas. & Justinian.

{ Supremæ rei Censualis
Summoq; in Ecclesiastico Senatu } moderamini,
(Sanctissimè huc usq; gesto,)

Pactis ex voto Regiis in Dania Sponsalibus,
Et consummatis Thalami splendore;
Successioni Altenburgici Ducatus controversæ;
Componendis inter ELECT. BRANDENBURG.
Et BRUNSVICENS. DUC. tunc dissidiis;
Supremæ injustitiæ rebus Lipsiens. Curiaë,
Integritate pari atq; providentiâ administratis.

Quanta hæc, quàmq; ardua fuerunt Reip. momenta!
Ut, in unum cadere mortalem posse, dubites.

Extendit Noster ævi spacium gestorum granditate:
Senatoriâ donatus purpurâ non maculavit hanc
Iniquitate publicâ, vel avaritiâ;

Illis quoque in officiis amorem consecutus est,
In quibus difficulter odium vitari potest.

Ars magna oppidò haberi debet,
Jura Principum tueri, sine privatorum lacrimis.

Affiduus in penetralibus Deorum horum
Amorem cum utilitate Patriæ conjunxit;

In ferocientis sæculi periculis,

Sub TRIBUS ELECTORIBUS Clarissimus:

Religionis Orthodoxæ puritatem,
Jusq; fasq; defendit;

Academiarum & provincialium Scholarum

Semper præsentissimus Meccenas,

Debellavit rem & vocem *Pennalismi* horridam.

Sanctitatem vitæ proprio exemplo vindicavit,

Humanissimè excepit Eruditos hospites

Alloquio, conviviiis, muneribus:

Ille DEO similis penitus, quicumq; Camœnas

Diligit, ac animo fertq; refertq; suo.

Sideribus Elogium hoc intulit;

Quod vivens, tot Doctorum voluminibus dicatis, legit;

Triumphans inter Coelites.

Ca-

Cavendum nobis ideò , ne ,quam summoperè amavit
FRISIUS modestiam , vincamus titulis verbisq;
FATA potiùs PRIVATA venerabimur.

In *Demosthene* ac *Epaminonda* memorat polito Scriptor:
Unum hominem plus totâ Civitate posse.

Judicet Posteritas , quid meritis sit Noster?
Dum , ut Reipublicæ post Fata etiam prodesset ,
Liberos oppignoravit Patriæ , Epaminondas nullos.

Suscepit X. Nepotes atqve Neptes vidit XXX.
Testis Vidua desolatissima , Virago Per-illustris olim,
DOMINA JUSTINA SOPHIA, LIB. BARONISSA,
Generoso creta Stemmata RABO-STIGENSI,
Ex Nobilitate Megapolitana ;

Hanc in Gottorpiensi Hofator, Ducum Aula
* Deiopejam , Nympham tunc pulcherrimam ,
Connubio junxit stabili , propriamq; dicavit ,
Longos ut secum pactis pro talibus annos
Exigat, & pulchrâ faciat se prole parentem.
Fecit , indulgentiâ cœlesti secundante ,
Immò fœcundante.

Filiorum natu maximus, DN. CHRISTIAN. AUGUST.
S. Cæs. Maj. Saxonixqve ELECT. à consiliis,
Quæstur. Haynens. Præses & Præpositus Ecclesiæ
Ingen. Misen. Canonic. Magdeburg. quondam;
Duo juniores alii, Naturæ ordine turbato,
Dudum concessere Fatis;

Totidem supersunt, in solatium decusq; Domûs inclytæ,
DN. CAROLUS, in Legione Danica Vicarius supremus,
DN. OTTO HENRICUS, culminis Paterni hæres feliciss.
Senator Aulicus in Justitiæ ac Appellationum Consiliis
Electoralibus , & ad Comitata Imperii Excellentiss.
Legatus ;

Filiæ, in ornamentum seculi *formatæ Charites;*
Ex his Incomparabilis Minerva,

B 2

HEN.

* *Allud. ad Virg. Æn. 7, 76. seqq.*

HENRIETTA CATHARINA,
GERSDORFII. HEROIS ILLUSTRISS.

BAR. ET IMPER. BANDERESII,

(Qvem hîc nominasse fatis est ,
Cùm meritorum Ejus granditatē hæc non ferat scriptio,)
Pietate, Lingvis, Artibus, sine exemplo Coniux;

Altera, RACHEL SOPHIA,
Celsa animo AMAZON, nupta olim
Generosissimo DN. JOH. GEORG. de SCHLEINITZ,
DIVO ELECT. SAXONI à Consiliis secret. Direct. Cam.
Com. Cubic. Supr. rerum Censual. & Provincial.

Lud. Misenenf. Ephoro;

Tertia, MAGDALENE SIBYLLA;
(Qvam Venerem dixisses inter Virgines,
Junonem inter Fœminas Illustriores,)

Per-illustri DN GEORGIO RUDOLPHO
De SCHVVEINITZ, LIB. BAR.

ELECT. MAGNO FRIDER. WILHELMO
A Consiliis Justit. Sereniss. PHILIPP.

MARCH. BRANDENB. Gubernat.

Et Canonico Magdeburg. elocata;

Quarta in spem maximam relicta Virgo,
CAROLOTTA JUSTINA, Baronissa;

Quinta dudum suo redonata Cœlo.

Definant mirari secula *Metellum* unicum,

A quatuor filiis, Prætores uno, tribus Consularibus,
Illatum rogo Romæ.

Contumelatur FRISIUS Saxonie Meccenas

Ab Heroa Coniuge,

Duobus Filiis Insignibus,

Filiabus IV. Excellentiss.

Nepotibus XIX.

Tantum non insolito his regionib. exemplo.

Con-

GENIUS repræsentandus FRISIUS.

* Nulla est Nobilitas, quæ solo nixa stemmate,
Præpositæ Virtutis numero non gaudet.
Majorum, Patris, Fratris, tripertitam
Unus in se integravit gloriam;

Eqvestrium, Liberalium, Senatoriarum Artium
Absolutissimum spectaculum.

Timotheus Cononis famam obfuscasse dicitur;
LUX CAROLI absorpsit Sidera Progenitorum:

Annos ingenio, ætatem animo antevertebat,
Similis Granato malo, quæ tenerrimè oblectat,
Vernali pariter & auctūnali tempestate poma exhibens.

STUDIA sequuntur ac **ITINERA.**

Anniculum, & bimum, & trimum Cedrus fructum fert:
Ardorem pietatis, civilitatis, atque Literarum
Puer prodidit:

Lucani ore, stimulos dedit æmula Virtus.

Adolescens XVI. annorum affecla Parentis Magni,
Oratoris propter Thalamos Augustos missi,
Iter Danicum ingressus, redux

Wittebergæ studiorum causâ substitit,
Intentus eloqvendi, sub *Buchnero*, artibus,
Ludeco formatore usus optimo.

Adolescentiam florentem feriatam
Inter ludicra traducunt multi ex Nobilitate;
CAROLUS exemplum omnibus reliquit **FRISIUS:**

A Juvenili tyrocinio, ingentia emeriturus decora,
Inclytas suorum laudes propriâ nobilitaverat virtute,
Leucori invitus valedixit post biennium,

** Digressus, propter Martis atq; Mortis metum, aliò.
Legationi, ad Augustum Cæsarem, Pragensi
Ann. clò Ioc XXXIIX. adhæsit comes:

Hinc Italiæ amœnitates veterumq;ve monumenta vidit;
Quicquid *Venetorum* gravitas, deliciae *Florentinorum*

Religiosi cultus *Roma, Neapolitanæ* opes ostentârant,
Lumine prudenti potiùs, quàm curioso perlustravit;
Nunquàm aliorum vitiis, aut divitiis corruptus.
In itineribus non tam Palatia & machinas stupendas,
Quàm Viros Celeberrimos, Resp. civiles artes,
Mores hominum,

In urbe Orbis olim domina
Non temporum ludibria, exesas statuas, substructiones,
Obeliscos, fornices, cadaverum reliquias admirabatur;
Heroas, Sapientes, Doctos, inclytos suspiciebat.
Reversus per Mediolanens. ditionem atq; Tyrolensem,
Ratisponæ morabatur in Comitiiis, nec diu post
Ad Batavos excurrrens, & ad hos ex Gallia recurrens,
Gloriari meliore, quàm Ulysses, fide poterat,

Quòd πολλῶν ἄσέα, καὶ νόον ἔγνων.

MUNIORUM hinc enata **FELICISSIMA**
AUSPICIA.

Quàm Soli proprium lucere, tam domesticum
FRISIIS excellere:

Dos tamen illi planè singularis fuit,
Facilitate Gravitate temperare.

Hanc à dexteritate suâ commendationem obtinebat,
Ut è Belgio, à divo Patre revocatus, ad Gottorp. Aulam,
Cimbriæ se **DUCI FRIDERICO** mox probaret:

Dignus nempe judicatus, uti

Juventutis **PRINCIPES** regimini ipsius crederentur.

Pietatem ac sollicitudinem, qui simul aderat,

Amabat, æstimabat **CAROLI**

DUX sui nominis, *Palatinus-Sultzbacensis*,

Verè **CHRISTIANUS AUGUSTUS** animo:

Hic eò, propter ordinandas publicas res, a mandatum
Legerat, moderaturum omnia mox Administrum.

Afflictissimus illarum Regionum, isto tempore in primis,
(Seu divina, seu humana spectes,) status

Alium non reposcebat, nec ferebat, Palinurum,

Nisi

Convixit alter Conjugum cum alt.

Per tot sine lite annos, adeò concorditer,
Ut nullius cum Sorore Fratris contubernium
Præsentiore semper pace uteretur.

* Non sic appositis vincitur vitibus Ulmus,
Ut sua erant Costæ brachia nexa suæ.

Per IV. supra XL. Annos

Continuè inter Principum ministeria exactos,
Quot quantisque curis, morbis, & periculis obnoxius,

Infractâ semper fide FRISIUS!

MORS tandem imperans SUPREMA,

Ad vasa colligenda conclamavit:

Mors, Mathematicus perversus, calculum invertit;

Dum nos numeramus & multiplicamus Annos,

Illa subtrahit & dividit.

Hinc pedetentim corruit

Antiquæ Domus Columnen & Culmen,

Avis decorum, Decus Avorum.

Mense Julio adulto dejectus ad fatale stratum,

Tenesmo superveniente viribus orbatus,

Propter Diarrhæam fuit.

Non in Medicorum viribus, non in humanis

Situm erat, superare metam.

CAROLUS præsentens Fatorum ordinem

Solatia divina imploravit,

Sancta miscuit cum Viris Entheis colloquia,

SPENERO & CARPZOVIO;

Cœlestibus inauguratus Eucharistic. per Sacrament.

Julio cadente valedixit suis:

Novissimam salutem singulis addixit.

Sanctissimè, ut vixit, exspiravit Dresdæ,

Similis indormienti acquiescens,

Menfis die undetricesimo, A. M. I. C. XXCVI.

Consternationem insolabilem reliquit omnibus,

Memoriam posteritati immortalem.

C

Cum

* Catullus in Epithalam.

Cùm penè ipsa obrigesceret in lapidem
UNIVERSITAS WITTEBERGENSIS,

Gratissimorum testem animorum

Lapidem loquentem fecit,

Id est, stylo lapidario hoc Breviarium

Inter Arbores has posuit,

* *Quæ nec secula centies peracta,
Nec longæ cariem senectæ*

Timent: Vidit aliam, hîc ponè germinantem,

** *Quæq; viret semper, frondes & semper easdem
Magna tenet, seræ longinqua ad fata senectæ.*

* *Martial. de Cupress.* ** *Passerat. de Palma.*

†

A

&

Ω

VITÆ. MORTIS.

AUTORI. DEO.

MEMORIÆQUE.

SEMPITERNÆ.

CAR. FRISII.

HEROIS. SACRUM.

CUJUS. INGENIUM.

IN. ADOLESCENTE. LEUCORIS.

IN. JUVENE. HOLSATIA.

IN. VIRILI. FLORE. PALATINAT.

IN. PLENO. ROBORE. SAXONIA.

IN. SENECTUTE. MISNIA.

IN. OMNI. VITA. RELIQUA.

IMPERIUM. HOC. SS. COLUIT.

OB. EGREGIA. IN. REM. LITER.

MERITA. BENEFICIAQUE. CONLATA.

CUM. MARMOREAM. NON. POSSET. STATUAM.

OBELISCUM. HUNC. ENCOMIASTICUM.

AD. OBSERVANTIAM. PERPETUAM.

UNIVERSI. CORPORIS. HONESTISS.

ORDO. ACADEMICUS. CURAVIT. PONI.

EXEQVENTE. KIRCHMAJERO.

ANNO. ÆRÆ. CHRISTIANÆ.

M. I^c LXXXVII.

V. KALEND. FEBRUAR.



60
EXTREMI HONORES,
HEROI in Toga penitens INCOMPARAB.

CAROLO,
L.B. de FRISEN,
Röthav. Co. C. Schvvi-

tzii & Rub
SERENISS. S
A Consiliis Sanctio

Nec non Su
PRÆSIDI I
ACADEMIÆ V
Nomine a
Decenter

CAROLO M
Aliàs Emo
Religiosè consecrat

GEORGIO CASE



WITTEN
Prælo excudebat MATTHÆ



27